

Paerewa Paetae

Aronga Te Reo Rangatira 3.2

Ingoa Te tātari i te ahunga o te reo

Kaupae 3

Whiwhinga 3

Aromatawai Ā-waho

Marau akoranga Te Marautanga o Aotearoa

Kokonga akoranga Te Reo Rangatira

Mana rēhita Kua rēhitatia **Te rā i mana ai** 19 Whiringa-ā-rangi 2015

Te rā e arotakengia ai 31 Hakihea 2018 **Te rā i puta ai** 19 Whiringa-ā-rangi 2015

Te Hononga ki te Marautanga

I ahu mai tēnei paerewa paetae i te Taumata 8 o *Te Marautanga o Aotearoa*, i whakaputaina e Te Pou Taki Kōrero i te tau 2008.

Whāinga Paetae

ā-Tā, Puna Reo

1 *Ka mau ā-tuhi, ā-tānga hoki ngā whakatakotoranga me ngā āhuatanga o ngā momo reo tuhi maha.*

ā-Tā, Rautaki Reo

5 *Ka tīpako i tāna e hiahia ana mai i te puna reo me te puna tikanga kia taea ai te whakataurite i te tirohanga a te kaituhi ki tā te kaipānui.*

6 *Ka mārama ki ngā kounga tuhituhi e hāngai ai te tuhinga ki te kaipānui, ki te kaupapa me te take i tuhia ai.*

E hono ana ki te Papa Whakaako mō Te Reo Māori kei te pae tukutuku nei:

<http://tmoa.tki.org.nz/Te-Marautanga-o-Aotearoa/Taumata-Matauranga-a-Motu-Ka-Taea>

Te Hononga ki ngā Paearu Aromatawai

Arā ngā Paearu Aromatawai mō tēnei paerewa paetae, kei te:

<http://tmoa.tki.org.nz/Te-Marautanga-o-Aotearoa/Taumata-Matauranga-a-Motu-Ka-Taea>

Paerewa Paetae

Paetae Te tātari i te ahunga o te reo.	Hei tohu i te paetae: • Ka tātari i ngā hanga o te reo e panoni ana. • Ka tātari i ngā rerenga kētanga me ngā ritenga o ngā reo e rua. • Ka matapae i te ahunga atu o te reo i ēnei rā.
Kaiaka He kaiaka te tātari i te ahunga o te reo.	Hei tohu i te kaiaka: • Ka āta tātari, ka āta māhitihiti i ngā rerenga kētanga me ngā ritenga o ngā reo e rua. • Ka mārohirohi i ngā take o aua rerenga kētanga. • Ka matapae i te ahunga atu o te reo i ēnei rā me ngā take e rerekē ai.
Kairangi He kairangi te tātari i te ahunga o te reo.	Hei tohu i te kairangi: • Ka whakapakepake te mārohirohi i ngā take o aua rerenga kētanga. • Ka whakapakepake te matapae i te ahunga atu o te reo i ēnei rā me ngā take e rerekē ai.

Kōrero Āpiti

- 1 E whai ake nei ngā whakamārama o ngā tino kupu, kīanga rānei:

ahunga	Ko te panoni haere o te reo.
mārohirohi	Ka tuku whakaaro.

- 2 Ko te aronga matua o te paerewa nei, ko te āta titiro ki ngā tini rerenga kētanga o te reo o muri nei i tō mua atu, me te tūhura i ngā take o te ahunga o te reo.

Kuputaka:

ahunga	evolution, change, direction
hanga	feature
māhitihiti	categorise
mārohirohi	suggest
matapae	predict
whakapakepake	be persuasive

Tātari Kouna

- 1 Me mātua whakamana ngā Kaituku Akoranga me ngā Whakahaere Whakangungu Ahumahi e te Mana Tohu Mātauranga o Aotearoa ka rēhita ai i ngā hua ka puta mai i ngā aromatawai ki ngā paerewa paetae.

- 2 Ko ngā Kaituku Akoranga me ngā Whakahaere Whakangungu Ahumahi kua mana, ā, e aromatawai ana i ā rātou hōtaka ki ngā paerewa paetae, me uru rātou ki ngā pūnaha whakaōrite e tika ana mō aua paerewa paetae.

Ko te tohutoro ki te Mahere Whakamana, Whakaōritenga hoki

0233